

投龍簡記

石末云延祐元年青龍甲寅八月壬午朔立石集賢
 侍講學士中奉大夫臣趙孟頫書嘉議大夫禮部尚
 書臣郭貫篆額中缺三字
 記云今上御極之初勵精庶務事神治人誠明殫盡
 中外大和皇太后母儀懿恭思齊內治惟皇帝嗣大
 歷服載稽舊章乃孟夏壬寅朔命特進上卿元教大
 宗師至道宏教沖元仁靖大真人張留孫等建周天
 大醮於南城長春宮列位二千四百領天下羽士餘
 千人薦科宜儀禮於上真凡七晝夜已皇帝皇太后
 復命集賢司直奉訓大夫臣周應極洞元明德法師
 崇真萬壽宮提舉臣陳日新乘傳封香奉玉符簡黃
 金龍各二詣濟瀆清澗善濟王廟天壇王母洞投沉
 致敬焉應極等以六月乙巳至濟瀆祠肅恭苾芬陳
 醮醮禮翌日丙午味爽致命口龍簡於濟瀾水清可
 鑑是夜天大雷電以風沛然下雨田疇枯槁頓爲霑

足越三日酉至天壇紫微宮如濟禮明日登
 王母洞投送禮成而退時天氣清朗日呈五色
 及山麓而雲起自同後雷雨隨至前一日口紫微宮
 雷雨亦如之其守土與祀事之臣懷孟路總管府判
 官郭甫孟州判官韓樂濟源縣令王伯翼等咸請曰
 皇帝在昔龍潛而懷孟實湯沐之邑今茲龍飛在天
 光烈如此首有事於天壇濟源而山水之靈感若是
 不有紀勒何以昭示於後勉臣紀其事臣奉命此來
 不敢以不敏謝謹書以授之至大辛亥夏六月臣周
 應極頓首謹記

按濟邑元碑頗多文尚完全然多叙賽祭之日池
 浮異物若酒樽絲段之類若準集古錄神仙東物
 鏡怪所傳吳不皆有之例亦當登載然終嫌事近
 怪異文欠雅馴故寧舍解惟此記文稍醇正松雪
 書亦最佳又延祐二年投真龍簡記亦定二
 年代祀禱之詞靈異記文亦佳故俱載於志